

摘藻堂四庫全書薈要

集部

欽定四庫全書叢要

集部
御製詩三集卷八

詳校官原任編修臣徐立綱



欽定四庫全書薈要卷一萬三千四百三十六

集部

御製詩三集卷七

古今體一百十五首

庚辰七

孟秋萬壽山即景禱詠四首

西風

一夜枕邊吹萬壽平明步輦移借問便宜是何事

秋來快霽屢吟詩

蟬聲欲讓蛩聲亮雲氣全消風氣涼
育物對時察上下詎云泉石自徜徉

綴景經營逮十年樓臺葺構次將全大都一覽粗踈過
却自覲然更慙然

早種已收遲種未高田既稔水田豐三時晴雨評量意
今日舒眉為我農

清可軒

開闢有此山即有此石壁構軒乃自我與壁宛相得濶
亦不覺空窄亦不覺塞蘿薜鎮鎮滋榮琴書惟靜謐青蓮
乃許居是為太古室

題留雲閣

昔遊金陵永濟寺愛彼臨江之懸閣鐵鎖繫棟鑿壁安
古蹟猶能尋約畧萬壽山陰繡屏張我心寫之命倣作
雖無橫江有迴溪何小何大蒙莊齊留雲兩字向泐屋
新秋取暇聊攀躋一片閒雲留不住笑他高閣名空具
洗秋閣

惠山園裏洗秋閣八柱璽瓏水一方即景颯然成小坐
當前妙趣悟蒙莊

構虛軒

山陰勝處一攀躋，碧宇澄空霽景霽。
今日高軒會心別，都從文賦識端倪。

穫稻

三時若雨暘上熟，早尋常七月已穫稻。
實墉乃萬箱，愜心真報瑞。可口欲流香，廿載纔一遇。
休徵謾頌揚。

含經堂六韻

是處有書堂，含經趣獨長。
悅心斯枕藉，憩體每徜徉。
豈

貴羅花木惟欣對縹緗性源溯周孔治道在虞唐內外
詎殊視知行要並覆黼屏勒五字銘語學寧王

題多稼軒

軒名多稼久留貽結構年深稍葺治棟宇從新適可耳
倉箱有慶恰逢之應緣重穡

天心示益凜知艱

聖訓垂寧即一園將一省綏豐九寓永祈斯

得樹亭

倚樹構亭稱得樹樹賓亭主是誰分安名立字誠何定
莫若忘機坐綠雲

澤蘭堂

書堂何有有藏書取便披觀總起予題額寧同國風詠
會心如與善人居水流山峙常無盡秋夕春朝每相
於最愛北山橫一幃雲煙變幻罨水疏

八聲

稻香亭觀穫十韻

每歲秋蒐舉恒過熟稻時茲方遲啓蹕恰值促常期遍

隴黃雲蔚迎亭紫玉蕤肯教鸚鵡啄寧數蕙蘭披何必
范雲論因懷杜甫詩腰鑣農父入憑檻近臣知乍見空
雲水惟欣如櫛茨關心真愜望可口欲流脂三字瞻
宸翰五言紀

吳慈更希八紘遍永祝萬倉斯

黃公望茅檐靜倚圖即用其韻

太常何事乃居山獨坐應同齋舍間癡道人圖具深意

似憐孤負彼雙鬟

戲用周
澤事

甘肅總督吳達善奏報秋收詩以誌慰

自春聞霑膏慰望意並切誠以灾餘地難再逢歉缺夏
月屢被澤猶未敢怡悅秋熟已登場報來幸獨竊米價
落大半無無租賦折吾民其少蘇額手

天恩徹明年亦免租連稔冀以疊元氣庶可復西顧塵
調燮

再題輿地圖疊前韻

敢云擴宇藏

前猷偃伯從茲罷勦搜厄魯馬牛無一牧筠沖屯堡並

全收

乾隆乙亥平定準噶爾各部既命何國宗等分道測量載入輿圖已卯諸回部悉隸版籍復遣明安

圖等前往按地以次釐定上占辰朔下列職方備繪全圖永垂徵信本朝文軌期同奉昧

谷寒暄重

去聲

細求無外

皇清王道坦披圖奕葉慎貽留

駐防闢展屯田大臣定長等奏進所獲麥萬穗詩

以紀事

載戢西瀛已定功戍耕伊始慶綏豐夏收萬穰先來進

秋熟千屯預報芄實粟惟堪嘗以彘既安那更役如熊
開疆逾遠心隨遠總為祈年宵旰中

題金廷標畫

山峙鬱蔥然江流亘大川夷峻精舍構疊樹綠雲連却
似灤陽野而臨秋仲天寄教粘素壁待我印當前

雨

八月初五日

秋來欣屢雨亦復屢欣晴十日期未越中宵溜更鳴蔭
塋資實粟菜圃潤嘉生今歲誠多幸持謙益勵精

詠古竹孟子

大椿不過八千秋此竹猶稱先進流成器莫非自循蜚
啜蔬應是供去聲巢由家鄉淇渭情知幻世界滄桑閱盡
留樸以為華靜為用畢然望古意因悠

文徵明山村嘉蔭圖

重陰綠樹覆茅堂丘索遺編共推商童子烹茶不妨緩
相投水乳正言長

喜晴

邇日秋空晴間陰大晴今始慰予心曾忘望雨雲亦好
誰是得隴蜀不尋禾黍收完正資曬菜菔潤足也防霖
碧天似洗夕陽皜幾樹寒蟬賽晚音

大學士史貽直康熙庚辰科進士也今週甲尚在
朝詩以賜之用彰人瑞

庚辰先進杏花芳週甲重看蕊榜黃早識家聲孝山史
羣稱風度曲江張本衙門有新佳話國史院無舊等行
寧獨搢紳慶人瑞贊予文治底平康

沈周紫茄

石田率筆迴傳神此獨雪溪一脉真不肯盤餐較滋味
紫苞如滴露華新

即事

北省率報豐南省大局好荆楚及越閩望澤旋霑早江
浙斯固佳所廔惟高寶下河衆水歸今夏實受潦肯以
豐者多而忽向隅抱賑恤有常經能無一夫殍聞稔為
欣慰聞歟為煩惱欣或有時忘煩實無刻了心在數縣

間瞻言日悄悄

題沈貞竹鑪山房

階下回回淙惠泉竹鑪小叩趙州禪
箇中我亦曾清憩
為緬流風三百年

降旨緩徵晉省民間新舊欠項詩以誌事

有序

山右收成連年歉薄賑貸頻施時復廛念今歲幸
獲豐稔復慮民間新舊欠項頗多一時並徵不免
拮据因命將積欠地丁銀米及本年借出常義社

三倉穀石分限完納俾閭閻稍裕蓋藏元氣漸復
既頒明旨付之所司軫恤民艱永言成什

晉省今逢年吾民稍蘇遂但念屢未豐災更重去歲借
貸兼緩征正供已不翅幸稔而並徵與遇歟何異是用
恫瘝心恩施以次第正賦固應納其餘可徐議常平及
社倉且償十之二閭閻稍留餘庶以復元氣方伯董有
司善體予殷意

仇英松泉高士圖

宋人格法士家風却以神傳弗以工獨撫喬松泉石颯
淵明高致不言中

仲秋瀛臺

慶辰率衆叩

慈寧用奉

安輿返禁廷郊外豐收欣飽看苑中佳景得閒停碧天
望月將圓滿太液秋風正淥瀉桂樹本來蟾窟種幾枝
金粟倚虛櫺

豐澤園

黍高稻下總登場豐澤今秋實倍常
九穗雙歧漫來獻
四方普熟是真祥

交蘆館

蒼蒼中若有人伊偶值憑窓亦玩之
春去秋來一何似
此蘆纔倒彼蘆堵

古籟堂

謾謾拂虛牖泠泠來廣筵
有聲祇金石何物更蹄筌
團

蓋一十丈少言五百年今朝幾務簡略得久周旋

看畫廊

迴廊曼轉碧欄扶雲斂長空鏡水鋪便擬宣傳畫博士
霽天粉本快成圖

黃公望九峯雪霽圖

雪山纔作雪真霏

見大癡
自識語

妙處能通造物機我擬三餘

張靜室漫空應作六花飛

月

八月初
九日

秋月無不佳中秋月佳最而何屢遇陰鈎影韜雲外今
日乃大霽半輪挂銀瀨雖未十分圓已徹大千界朗耀
鳩鵲瓦虛納須彌芥御湖縱孤舟清禁方流濯昂首七
寶垣華嚴慶海會

降旨停明歲南巡詩以紀事

有序

明歲逢

皇太后七旬大慶江浙民望幸久矣將合萬姓之歡以
祝

億載之壽今歲各省豐收者多而淮揚及下河諸縣夏
秋之間雨水過多低田致澇恐有司辦理南巡有
誤賑恤因降旨易期於壬午舉行承
歡之心固切恤隱之意尤殷即

懿訓所常垂諒

慈顏亦允悅兩番傳蹕總為民艱七字成章用昭君鑑
下河數縣復遭水明歲南巡再易期惟此寸心塵民瘼
即同萬姓祝

慈釐修除却慮分無暇賑恤專為付有司
顯望蘇杭爾
慢切

江以南原屬豐收望幸尤切云

一夫飢者已飢之

題趙孟頫畫馬

前世應為支遁師興來每愛寫權奇
何妨窓內窺如馬
正是全身裏許時

重修弘仁寺敬讚旃檀寶相

忉利天宮去復回旃檀摩頂記如來自茲震旦輝佛日
不盡恒沙演法雷瑞紀庚辰重輪奐奇從辛卯肇胚胎

釋紹乾瑞相記優填王造像
之歲當周穆王辛卯之年云
惟無量壽福無量斂錫敷

思遍九垓

秋日悅心殿

祇苑適維新廣殿茲迴憩
佛日欣懸華金天快澄霽
心因三農悅境亦三島逮
設非稼穡佳寧得襟懷契

漪瀾堂

湖堂北向號漪瀾太液秋風
正好看月朗雅宜常對鏡

桂香那藉更薰蘭金山圖畫
張京國

是處規倣金山為樓觀

白帝

權衡御水官陡憶下河重平聲被潦民艱戚戚倩誰寬

畝鑑室有會

山池鑿半畝斟水貯泛漑得秋氣亦澄俯臨如披鑑江
湖所鑑廣畝鑑如盆覽然當照物時明也原非暗大智
所未知小智知堪念執兩而用中服膺慎莫厭

遠帆閣戲題

氏父見遠帆如梭織未已其景故入詠高閣因成此十
來偶一登十登偶一試叶舟無七八多行弗一二里水

亦豈云濶帆亦何曾駛黃頭已劄揭不覺其勞矣為

去聲

下同官驅怯往為己禁難止一笑悟人情人情即至理

題寶月樓

四時寶月最春秋秋較春還勝一籌看桂強於看梅冷
對晨饒却對宵留有雲亦為

去聲

管絃避便夕那資燈火

稠韻語更因思白傳可能到此不登樓

題董其昌鑒定宋元明名畫冊

宋徽宗文蛤牡蠣

文蛤出沙灘牡蠣來相倚護汁憐同類連房且共止鵲
持底須慮漁利匪所擬寫生肖化工萬物春臺裏馬政
浮海去見乃異乎此

宋劉松年捕魚圖

秋浦起罾慢進船長繩絞曳聳雙肩羨魚結網非虛計
恰得槎頭縮項鰻

宋厲歸真牧牛圖

放牛自斲草雙童且相嬉是謂得牧道何須頻擾之

宋馬遠柳塘清夏

板橋長跨湖中絲柳搖漾波風人在玉壺冰裏祝融伎
倆應窮

元王淵菊竹

野菊數枝放寒筠幾幹斜露中香自遠風處韻偏賒氣
味似同道孤高本一家不凡工寓意真洗盡鉛華

明商喜山水

青山四百載如新具眼香光鑒定真古寺欲飄香界唄

扁舟誰理釣竿綸楚江境訝臨清曉大嶺法還無富春

宜弄畫禪檀匣裏底珠寶劍合延津

內府畫禪室收存董其昌名畫大觀

彙集歷代畫幅鑒別品第為精識之尤今此冊亦經其昌鑒定遂與名畫大觀並弄畫禪室內氣類相同終成巧合云

桂枝詞三首

桂花時節多孤負亦有天香塞外飛却訝精神似王粲
山川信美土斯非

今年八月好中秋應節臯塗噴蕊稠金殿玉階流馥處

一輪圓滿正當頭

無花色相有花馥瓊綠雲中放正酣金粟如來真實體
心香意蕊恰宜參

唐寅金萱圖

石渠富有六如畫此畫偏宜獻

聖慈一朶迎風疑相入聲舞正當春永

壽萱時

暢春園中
太后所居殿名

皇

八月十三日率諸王大臣詣

慈寧宮行禮六韻

歲當五位合月在六星躔

昊貺秋逢稔兵銷武戢邊慶辰循有典

聖母祝如川歡以天下

養孝為百行先蒼松旭影上丹桂露華鮮九寓同稱壽
一心益體乾

賦得平秩西成

得成字八韻
恩科鄉試題

振美物由庚綏豐武告成秋收報介福

天眷益昭明既慶農功稔還欣人氣平六星躔日次八月秩金行昧谷真寅饒王途共衍亨順時將出塞沿路閱如京惠遠無非事詰戎可忽情敢云茲會極惟是凜持盈

文徵明聽琴圖

長松踈竹夜堂清橫膝焦桐澹蕩鳴更不題詩應有意
昌黎猶自致閒評

恭奉

皇太后幸圓明園西直門外作

慶典行云過節辰又屆臨爰因迴御苑惟是奉

歡心穀圃堆黃滿菜畦芄綠深石衢來往慣所見罕如
今

中秋日恭侍

皇太后宴

每臨塞外宴中秋今歲中秋喜帝州桂樹自饒霓羽界
荷花還數鳳麟洲晴和幾日欣如願端正十分望舉頭

慶節延

齡合行樂纖阿似為此宵留

中秋帖子詞十疊前韻

有序

上章紀歲適逢有象秋成西顥辨方最喜平分月
夕於時武功保定協氣蒸為太和絕域享王天衢
會其有極慶辰初過佳節載臨稠疊稱觴萬斯年
常承

慈豫更番裁什十賡韻正勃吟情秉燭治軍書猶憶去

年之景拈毫敲綺句可孤此日之間然而侈頌昇
平非予所喜由來不忘規諫惟爾其懷內翰諸臣
同依前例

初成帖子值幾間九度吟情瞥眼刪今夕又逢清籟裏
可孤寶月上屏山

槐市榆街歷落光皇州景物倍生香桂華忙採蜂翻翅
黍熟新肥蟹張去聲匡

定功西域早班師去歲真成吉兆詩

己卯中秋帖子九疊原韻作於避暑

山莊有獲醜佇成奏凱詩之句爾時二酋雖已潛逃回
部未全底定今除兇綏衆紫禁稱觴重憶前篇實符祥
兆更值秋收多報稔得教對月詠琳池

攜毫十度十登樓霎閱人間二七秋

自丙寅至今庚辰凡十四年矣

何

似東坡飛逸興錢塘江上望潮頭

中秋後二日萬壽山昆明湖泛舟即景

塞獮宜秋欲起程得閒耐可泛昆明曉蟾留似戀佳節
山靄蔚還幻薄晴穀縑金風萬頃疊鏡澄白露十分清
稻田蓄水資明歲酌劑常籌虛與盈

玉瀾堂對雨

芳岍維舟憩水堂秋風送雨落銀塘了知灑道明朝好
片刻開晴霽景涼

瑩心堂口號

秋來湖水澄鮮秋堂名更宜然而我顧名思義將為出
治所緣

翠籟亭

鬱葱彼喬枝翻若碧波漾徐聽間砢間有音泛其上翠

固色之靜籟亦聲之暢聲色歸真空是謂一合相

題香岫室

山陰多嵌巖崕岬復劣崩倚石構靜室寧費穿鑿力野
草與秋花非空亦非色我却憂勞人箇中詎居得居以
水月相原即蒼筤域不可擬諮議是道非語默

陸治飛閣憑江圖即用其韻

虛閣棲巖入雲聳危橋跨澗得蹊斜高人憑檻契真悟
一切浮名付浪花

八月十八日恭奉

皇太后木蘭行園啓蹕之作

每歲金秋舉獮苗悠悠旌旆馬蕭蕭承

歡內外都無間繩

武覲揚亦孔昭示法子孫從啓蹕

每歲木蘭行園諸皇子皇孫畢從俾習勞

也

隨園賓客扈來朝

今年蒙古諸賓客以祝萬壽來京者衆即由此扈駕而行

新攜

回部鵲師赤

回部霍集斯等皆令隨園彼中放雕鵲者謂之鵲師赤如元史稱司鷹者謂之錫保

赤之

高處興安試放雕

鵲鵲宜於高處就下放之滿洲蒙古以騎射為重若回部厄魯

特則以此
為重云

石槽行宮即景

雖無峻宇有文軒逐頓

慈寧奉清溫畝淨棲糧騰萬馬

每歲七月起程穀未登
場常禁放馬蹂躪今率

鉅刈禁園
故弛馬禁

野餘滯穗喜千村秋堂筠箔延曦影古屋石

階深溜痕理趣會心聊得句誰能一槩付忘言

懷柔縣東

懷柔縣東潦盡灘長橋空卧沙渚寬去歲曾此待度難

芟耨絞縛劬且艱事半功倍古有言不如乘時理信然
村民道左鞠脰跼年年許覲顏尺咫今秋收穫詢如何
都道人和緣歲美觀茲景象寧不喜陡憶下河復被水
多方賑恤付有司曾否勤宣善經理中心藏之何日已

村村

村村鉅刈忙三農黍稷禾麻菽稊種場圃比櫛如崇墉
或無暇給堆田中不知苗碩言猶公十分收穫茲幸逢
關外亦聞與此同未見尚爾卜度衷萬民氣象胥從容

稔歲問閭鮮困窮盜賊自輯攘竊風昨詢司臬陳時工
案件倍少去歲冬乃知萬彙

天帡幪富秋民自息訟訏寧不慰慶益惕忭以手加額謝
高穹更祈綏萬邦屢豐

詠古玉韞

古韞製橢不適用古玉質粹實出衆副我韞材截兩端
琢中外弗勞磨礱取資於古更合今六鈞解角宜彎控
詰戎佩德有餘思寧學露壇詡寶甕

降旨免經過州縣納賦

經過賦免十分三今歲還教依往例秋豐任土正所當
於民傷恩寧傷義掃除罷受雇錢歸築納完更無餘事
祇虞中飽澤鮮均申命有司察蠹吏

出古北口得詩四首

年年獮狩此經過外戶何須亟禁訶天捲秋雲歸塞嶺
潦收川水退潮河

綏豐關外可能同馬上昨猶卜度中佳象今朝真目擊

村村比櫛更崇墉

從征新附賦歸歟樂土興州安室廬

準噶爾渠帥達什達瓦部衆於乙亥

年內附屢遷至山莊普寧寺前為建室廬俾得聚族安居從征効力回部有功凱旋歸里今隨該管大臣等迎

駕至古北口外齊禮漸教遵式度虔隨典屬迎去聲鑾輿

口北耕民來往熟不譏更不必言征試詢慣事遊辭者應作何為塞上行

再題常山峪行宮八景

綠樾徑

塞山秋仲綠猶濃過雨蹊留白鹿蹤却是今來添別致
幾枝紅葉出高峰

虛白軒

一年兩度坐文軒生白恒斯悟漆園七字寧云聊即景
清機爾許箇中存

青雲梯

層層綠樹蔚巖梯尋鹿常教步履躋宇宙以來便有此
龍門却誤擬夷齊

楓香阪

青楓茆鹿鎖雲巒
意蕊心香靜鼻觀
設置江南文翰地
又將儀比麝和蘭

蔚藻堂

背山臨水得書堂
一宿居停有縹緗
更不課虛將叩寂
蔚然大塊假文章

如是室

山恒如是室
如是一晌棲遲似去年
何必炷香叅白業

金剛四句會當前

翠風埭

莫道山風無色相
巖枝澗葉與形容
冷然往返誰相見
惟有洪厓及赤松

陵霞亭

孤亭迴出衆山頭
暮靄朝嵐漾若流
峰不黃山三十六
也從雲海泛虛舟

喀喇河屯行宮作

停鞭看寶穡逐頓駐離宮況本無忙務何妨此憩躬寒
潭已斂潦翠嶺間標紅舊詠聯新什光陰默付中

題金廷標畫疊前韻

畫境兩疑然精神會一川開窓山宛似題句韻還連樹
疊蒼茫嶺雲澄碧落天丹青本無翼到此訝居前

舊作
有寄

教粘素壁待我印當前之
句慙勤攜來預張壁間矣

灤陽別墅放歌

山南為陽山北陰水南為陰水北陽陰陽錯綜無定位

南北對峙有定方淮陰亦有韓漢陽亦有張首陽亦有
夷山陰亦有王彼皆幸生文字邦地靈人傑相羶薌灤
陽別墅開書堂此山此水豈非有自禪通循蜚之鴻荒
惜無人而過問然未失其真常是時秋風八月含微涼
寒潭潦水澄灤江扁舟徑渡少留憩庭前松樹蟠龍蒼
山自崇崇水自湯湯即此今昔誰曰滄桑癡哉峴山之
碑令人徒笑叔子羊

題翠雲堂

四株松樹四時翠一坐書堂一賞雲何必山嵐將谷靄
怒濤細浪總氤氲

小金山

露草煙蘿步履披三間虛榭坐移時江聲已自空

去人聲

意唧唧蛩音又底為

石簇階基樹拂簷小軒還據小山尖偶然把鏡星星見
似與題詩逐歲添

世間何物不浮名大小金山弟與兄又為民艱罷巡蹕

時以高寶興泰數州縣被水申命南
省官吏專心賑務詔緩辛歲南巡

石簾且復寄遙情

至避暑山莊六韻

昨夜雨而晴金曦曉更晶
沿途塵氣淨過嶺樹姿迎

仁祖豫遊地

慈親奉養情問閭欣輻輳
部落扈旌旌信是仙莊美
常逢秋景清今年遲鹿候
信宿便登程

水月精舍

精舍花宮側襟崖復帶溪
松風亦常聽水月乃全提
千

一何分合虧盈總莞倪憑觀纔擬議魄影條橫西

綠雲樓

就崖構精舍出樹得高樓騁望天無際憩身雲上頭拂
簷鳥影瞥隔谷鹿聲呦自是常如此我來興偶投

戲題永恬居

今日來思後日去去來歷歷正何嫌讓他書舍千峰裏
樹態雲容此永恬

創得齋得句

去年即鹿至山陰詭石蒼松悅可心
小築書齋稱創得
欣逢秋日此經臨軒楹雖早胸中寫圖畫真從物外尋
記取拈毫最初句從今有暇便來吟

夕佳樓

山中構室難擇向就卑因迴取合宜小樓三間挹嵐岫
開窻疊樹紛參差紅者為楓翠者栢夕陽返照光陸離
造物為張闕全畫胸懷全契陶潛詩初經斷手待題額
即以夕佳而命之

夜雨

枕上淅瀝聲秋宵落山雨隔窓想颯沓度嶺鳴林楚晚
田率獲罷潤尚滋蔬圃明當駐行蹕夫誰漸石苦雨可
晴亦得幸值忘憂所

澄觀齋

人號齋云澄齋亦澄人意乃知心與境非一而非二綠
水復蒼山自是饒靜致颯然風滿窓秋空快新霽未可
便忘言毫素搞遐思

翠雲巖

昨夜密雨今朝霽
秋雲斂盡無留形
只有翠巖越蒨蔚
配藜黶黠標濃青

夕

靄靄萬山蒼蕭蕭一谷涼
天河真覺近秋夜漸添長
箭永蓮華漏篆消心字香
可忘銀燭下籌筆昨年忙

學古堂

當前即為今已過即為古
今實不可住古亦無定所
鴻

荒與昨日未覺異爾許學古應如何我願於近取歲歲
臨山莊

聖日瞻

仁祖欲從雖未由遑敢不力努

清舒山館

蘭蹊步入迴無塵有水潺潺有石磷山館依然臨水石
一迴觸興一迴新

浮雲盡捲東南去爽氣都從西北來明日便當清蹕啓

芸窓今得少徘徊

再題創得齋二絕

巖齋創得可人心
幾暇重教策馬尋
不是無端適遊興
邇來性漸喜山深

石橋幾轉沿山澗
雨後淙淙響暗泉
萬綠叢中拾級到
齋窓俯挹樹梢煙

樂成閣

樂成真樂成如坻
復如京納稼千村
喜輸公百畝輕勤

農茲

示度祈歲敢誇盈古有言民者亦誠曲盡情

詠木變石

千年木抱石為胎根柢糾纏猶木理名之為木已換形
黝然古澤芝朶紫繩墨既不中琢磨非所擬材不材間
全其天此木實達蒙莊旨

對瀑

昨夜秋雨飛千山湍湑颯沓喧岡巒隔窓簷溜已落瀑

真瀑翻在想像間今朝快霽澄浮煙是聲皆寂惟瀑懸
乃知幻者有作歇何如真者恒當前我每對瀑率得句
欣茲會心有別趣四柱虛亭百尺崖讓他常住無來去

滄浪嶼

石壁圍峭崿上有綠雲覆一泓貯天池靈源淙乳竇旱
澇不乾溢神龍所護守叶詎惟託清濁兼可寄枕漱
聖蔭在簷端每來輒思舊

吟紅榭

綠蔚青標畫幃橫權當倚榭閣吟情山靈偏是具神解
一樹當窓恰染成

素尚齋

古屋創

堯年

奎文寶構懸理叅從樸趣治覺返淳賢甄性神明境陶
情翰墨筵淑清此埏埴

瀛臺淑清院中書室亦顏之曰素尚齋義取諸此

終是

遜天然

御製詩三集卷七

欽定四庫全書薈要卷一萬三千四百三十七

集部

御製詩三集卷八

古今體一百八首

庚辰八

熱河啟蹕幸木蘭作

慶典今年舉帝京秋蒐因致緩登程祇教仙苑一朝駐
消得清詩廿首成新附羣蕃道旁送遠來諸部馬前迎
可知遊豫無非事侯度懷柔永厯情

村行三首

迤北天寒惟一收一收豐亦擬三秋村民乘暇翻犁地
播穀憐他隔歲謀

崖角山巔無隙地刀耕火種有餘思村童也解迎清蹕
恰似蓬頭王霸兒

一川流水百盤澗碎石堆筐架野橋撇捩何妨策馬渡
秋晴正值漲痕消

波羅河屯行宮即事

雲裏遙看筆架峰到來行館憩從容鵲師狗監先來候

甫草山猶隔幾重

一株松樹滿庭陰可識離宮歲月深
攬鏡霜華略增昔於中不改繼繩心

秋宇剛欣霽色震西山蒼蔚復淒淒
宣傳支帳尋高阜今夜恐防雨漲溪

夜雨

半夜星羅宇四更山吐雲隔窓霏勢擬
歌枕颯聲聞農務既云畢閒情且自欣
明當詠丞涉亦欲習勞勤

聞雁

不寐夜如何秋鴻送響多
昨驚霜乍落今聽雨中過
沙漠夏棲止瀟湘冬寢訛
順時奚揀擇踵事有吟哦

雨中塞上行

夜雨連晨勢未已行旌先發難中止
文侯罷獵必親往我亦何妨一仿此
白榆綠柳時逢迎快哉雨中塞上行
杜老前後則何有周王左右堪同賡
製衣策馬跋泥淖誰言秋雨弗濕帽

國語有秋雨不濕帽之
諺謂秋雨不能久也

行宮駐蹕豈

不佳習勞先

去聲

衆從吾好鑾儀衛率校尉隨輕輿逸坐

那肯為內扎薩及外厄魯索鍵扈從瞻威儀巒姿林態
渾難狀配藜苒魄復滌盪萬馬奔騰如萬舟雪浪銀山
陵潏沚北人使馬南人船一合相真成大觀山村老農
笠底笑畊春種早不待言

濟爾哈朗圖行宮疊去歲韻

幾架巖齋也號宮山姿入望四鄰通恰欣秋令來棲宿
况復西陲罷戰攻白石磷磷溪漲雨翠峯濯濯樹搖風

分明去歲初經地此日襟懷了不同

已安容膝底須多茅土階茨較太過山是真圖非筆染
戶無長物有書羅愛觀颯景開虛牖不盡崇情寄迴阿
秋雨既優晴實好豐隆傍晚擘雲窩

夕

雲歸高岫塞天明徙倚山寒向晚清那似去年臨此地
驛章旁午策軍情

復雨

山雲散復聚塞雨密還疎度嶺幻明暗隨風作疾徐不妨徑策騎也覺厓漸車關內正滋麥欣生跋涉餘

晴

塞山捲下西北風怒號萬竅真是雄煙銷雲散無留蹤
朗朗秋日懸高空今朝晴定真堪喜明日大獮方伊始
吉行五十里而遙後行輜重應至矣抱被入直庶免嗟
試問誰非懷居士

九月朔日作

秋季惟朔旦塞圍第一場千山斂雲氣萬樹絢晴光迴

嶽鴻絳合深溪魚貫長咸賓逮回部

入覲之都爾伯特親王策凌烏巴什

等向曾預觀塞圍其回部酋長霍集斯伯克霍什克伯克等以賜爵留居京邸並屬索韃從獵則自今歲始云

執役有名王

舊扎薩克王公台吉等率所部蒙古隨圍執役歲以為常

柔遠繩

先切詰戎寓意良寧當懈幾務獵罷閱封章

過卜克達坂疊舊歲韻

去年出哨過今歲進圍尋果協貞符吉

舊歲九月初過此有貞符如卜

克願即遞佳音之句迴

早傳逆賊擒敢誇無事日益勵

鑒未踰月捷報果至

有孚心翠柏丹楓處遙聞呦鹿音

行園二首

天府神臯百獸牲細莎灌木靜無塵最欣悉率升太臯
底藉要遮事斥閨割截災鮮猶古俗炊金饌玉直癡人
舊藩新部衆同樂獨者惟斯染翰頻

千二百人各職司率先扎薩恐淹期

衆札薩克每日於五更時領衆前往

撒圍圍將合即親至獵場率先馳射以均勞逸不令踰時久待

尊為元后親為父威實

何須恩實宜峻坂有時亦馳下神鎗無故不空施從來

柔遠茲常廬武定遐懷益慎茲

塞山雪景

夜帳擬聞雨點飄朝來玉色染崇椒
凹稜旋旋因風積陽巘微微見覲消

未凍煙蕪鹿正肥平岡磬控馬如飛
何須濶論山陰棹九月木蘭雪打圍

細莎嫩蘚全藏色翠柏丹楓未改形
一谷溫暾迎曉日不妨按轡為延停

松林獲鹿美於羊帶濕松枝燃亦香僧舍茶煙故清絕
朝家古俗那宜忘

玉屑銀沙萬嶂鋪尋蹤還擬捉於菟毳衣箇箇誇披得
誰識詩人鄭鷓鴣

千峰隱現曉煙濃活畫宜人面面逢實景真情欣始遇
祇疑摩詰出形容

重陽日侍

皇太后饒

今朝乃重九佳節不宜孤月日均陽數川原逼上都登高隨處可獻

壽與山俱紫塞如丹禁千秋奉

懿娛

蒙古王公等進宴即席得句

木蘭歲歲秋園舉東道名藩許獻芹

舊例木蘭行園孔薩克盟長等進公

宴家宴凡數次朕命合數宴為一所貢之馬駝牛羊並却不納既以聯中外一家之情無寓體恤之意云幕

設崇岡菊節度

是日重九

席聯新部雁行分

隨園之都爾伯特親王策凌烏

巴什等回部郡王霍集斯
伯克等並命預宴列坐

湯羊美勝八珍膳詐馬催來

千錦羣諸伎畢陳行賞罷一家和樂萬方聞

塞宴四事

詐馬

詐馬為蒙古舊俗今漢語俗所謂跑等者也然元人所云詐馬實咱馬之誤蒙古語謂掌食之人為咱馬蓋呈馬戲之後則治筵以賜食耳所云只孫乃馬之毛色即今蒙古語所謂積蘇者是亦屬魚

魯茲扎薩克於進宴時擇名馬數百列二十里外
結束髮尾去羈韉馳用幼童皆取其輕捷致遠以
鎗聲為節遞施傳響則衆騎齊騁羈馱山谷騰躍
爭先不踰晷刻而達掄其先至者三十六騎優賚
有差所以柔遠人講武事也

名王詐馬存遺風獻筵備陳表敬恭廿里以外列駿驄
置郵傳命聽發蹤宣教施銃星火紅連聲遞令頃刻通
砰礮萬雷忽落空翩若驚鴻逸若龍雲屯颺歛倒呂洪

旁唐閃霍復春容振林駭谷躡阜窺平沙草軟淨塏塏
駃騠束尾縮其髮輕方致速騎以童捷足獨出傑且雄
選三十六惟良駭按第行賞務從豐只孫古俗想像中
和樂還因寓詰戎

什榜

什榜蒙古樂名用以侑食今俗所謂十番或因此
楊萬里詩有全番長笛橫腰鼓一曲春風出塞聲
之句蓋樂曲名番本塞外語而傳譌耳其器則茄

管箏琶絃阮火不思之類將進酒輒於筵前鞠脰
奏之鼓喉而歌蘇羅赴節有太古之遺音焉

平原擇向圓幕張酪酥乳酒湘黃羊名王捧觴起上壽
較漢公卿禮數詳渾撥四火不思曲長朔管如鞭吹鳴
羽發徵氣內運叩角動商響外披初奏君馬黃大海之
水不可量曲首繼作善哉行無貳無虞式穀友朋誰云
朔漠無古樂絕勝鄭衛為新聲我惟中外一家用聯上
下情亦不侈談有虞氏四夷之樂舞於庭

相撲

相撲之戲蒙古所最重筵宴時必陳之國朝亦以是練習健士謂之布庫蒙古語謂之布克脫帽短襖兩兩相角以搏踣仆地決勝負勝者勞以卮酒厄魯特則袒裼而撲雖蹶不釋必控首屈肩至地乃為勝彼嘉其壯賜之羊臠則拱臂探掬顧盼呿吞聲若飲歡其舊俗如此因以示惠云

健兒揜袖短後衣席前相撲呈雄嬉捍拖拗拉矜矜棋

踉蹌踞蹠蹶且踣垂間伺怠出以奇恣然躑蹶力不支
勝者賜酒跽飲之別有厄魯均新附其撲法乃異舊部
露身赤脚惟著袴撇捩蹠蹠空拳赴失計忽仆伏地據
騰跳翻作康王跨兩肩著地頭倒豎方得謂之決勝負
勝者揚揚意實歡負者反求微醜顏宣傳典屬呼來前
上方肥羊出厨盤長截碩臠如舉山七箸不設俾恣餐
誰識不足君所言快哉大嚼真壯觀豈對屠門空望懸
跪振雙臂攫且搏右哆左噏直下咽倏似長鯨吸百川

意氣自若殊昂軒均令滌指果腹便小哉食肥張齊賢
是蓋衛拉舊俗傳示恩獎勇一試旃食罷命前面詢焉
弗茲食者閱十年

據云準噶爾自喇嘛達爾扎構釁以來日就凋敝不得如此飽啖者十年

於茲矣

教駝

教駝攻駒周禮雖載然後世僅知攻駒而不能教
駝蒙古則熟習其灋謂之騎額爾敏達驛馬三歲
以上曰達驛額爾敏則未施鞍勒者也每歲扎薩

克於所部驅生馬多羣至宴所散逸原野諸王公
子弟雄傑者執長竿馳繫之加以羈鞫始則怒騁
賊趯或豨突人立嘶齧雷殷馭者騰趯而上控制
自如須臾調良率得名馬

二歲為駒不勝鞍三歲為駢始堪教夏官廋人早失傳
未若朔漠存古調扎薩獻宴必備觀分羣別色陳平原
羶廬賜食較撲罷按轡一覽同名藩名藩子弟皆吉服

上馬執竿好結束

馭生馬者必馳騎逐之禡衣綰帶持
尋丈竿繫革絙其上以為控制繫俗名

雪獵十韻

九月十七日

寒雲低靄翳朔雪灑霏霏萬嶂增嚴氣千林纈素輝月
同光不濕風似定還飛壓帽輕於絮堆衣幻作璣藩王
羣扈蹕漠嶺早張圍誰肯氊裘著都欣玉策揮襯蹄致
馬疾刷羽益雕威搜穴虎呈迹炙鮮鹿薦肥彌漫迷澗
戶飄瞥嫗林扉乞相寒江上一蓑披得歸

晚晴

晚晴明積素巖景益堪奇鏤玉為屏際斂雲歸岫時入

圖浮霽色敲句引清思今夕蝦蟆冷東山故上遲

青羊

青羊善緣壁四蹄利如鐏躑躅巔岬間虎狼不能躡一朝失所據生捕被虜獵神恣豈跳踉喙息惟伏帖何必貪肥腴爰命育塞於誰辨梓樹化謾擬成都接隨園霍集斯驚觀笑顰頰

火雞

火雞特異雉足觀不足食修尾拖紳白通身染黛黑昂

藏亦頭角璘璠亦羽翼於野昧三嗅言家乏五德吐火
幻詎真破敵術非直無須羅網施已見雌雄得宣付上
林官飼養俾孳息

哈薩克使至俾觀圍

阿布賚汗

哈薩克汗名

候起居蘇爾

平聲統

阿布賚姪其名都勒特赫勒蘇爾統

蓋其貴族之稱如蒙古之台吉云

至謁鑾輿無程而進堪嘉彼

前聞阿布賚遣

使入覲念其道遠恐不能急馳傳諭緩程而行於十月
初旬至熱河而蘇爾統以九月初三自烏里雅蘇臺起
程月之十八已抵波羅河屯據云途中驛騎餽糧並荷
天朝優恤不知跋涉之勞急欲瞻覲天顏以申誠悃

厚惠以加寧靳予北界控弦重習獵漢家連網笑周法

圍期二日應教展

廿一日駐蹕海喇蘇臺止餘一圍因哈薩克使至特命展加二日俾得飽

從預射得肥麇便賜諸

至張三營行宮賜宴諸蒙古疊丁丑舊作韻

示遠圍期兩日加罷圍依舊見黃華曦迎暖谷人披襖
雪點堯峰樹戴花自為驅馳聊布惠可知中外總為家

洛那有宴仍教預

丁丑此宴哈薩克陪臣亦適預

嘉彼鱗流仰集遐

木蘭迴蹕至避暑山莊作

鹿期促駕駐兩日塞上行圍倏又迴美土如斯可漫去

遠人爾許况攜來

時回部郡王霍集斯伯克等自京隨駕都爾伯特親王策凌烏巴什等以

入覲扈從秋蒐而哈薩克陪臣都勒特赫勒等亦赴木蘭朝謁既命觀圍並攜至山莊錫宴

從容宴

樂應教預假藉清涼得久陪繩

武惠遐綿奕葉山莊嘉兆自

天開

寫心精舍

每到瞻

神御因教憩寫心卅年忽成古

一念注於今敢不益黽勉安能忘敬欽怡情曰山水末
矣詎知音

嘉樹軒

就樹開軒蔭綠雲

堯年寶露葉間紛設方武子甘棠賦我亦寧忘封殖勤

立冬

九月
晦日

平在元冥令來遊龍朔垠節因行慶駐志詎暢觀勤京

國風占候

每當節候太史例占風

塞天霽斂雲小陽春律暖

是日暖

亦為從人欣

永恬居疊舊作韻

一谷溫暾日坐來滿屋簷餞秋冬景破半百鬢星添松

翠雪輕壓楓紅霜飽霑卷阿真愜意魚海洗兵恬

舊作有佇

待佇渠獻干戈

戰永恬之句

再題素尚齋

礪道津橋試重尋巖扉耐可愜予心虛庭煙月誰同調

上塞冰霜我素襟
四壁詩題自今昔
一窓冬日是光陰
迤西更闢新齋在
不厭山深轉就深

初得齋

八山不見墅到墅
忽臨山依古松為
幄疊蒼石作關既
深斯悅性惟靜可
怡顏阿那丹臺表
容成想像間

夕佳樓得句

尋深有渴懷步履
不知遠峭寒薄邃
谷曦光蔽崇巘忽
造剏得齋橫樓接
廊轉齋高樓更高
一窓冬日滿夕佳

昨命名萬態呈組纂言情陶莫過體物杜猶善而我別
有會含毫欣嫩暖

題張宗蒼畫

山莊驀見宗蒼畫向未題詩輒補題曲折雲林皆可入
高低磴道訝纔躋誰分幻境將真境道是全提早半提
昔失當前今鄭重義辭聊擬玩先迷

千尺雪

鹿期催向去雪色待今來即看清如爾寧當虛擲哉帶

林寒皎皎落礪素皚皚却是輸真者蘭中早漉杯

木蘭中遇

雪已收水

烹茶故云

臨芳墅

義取對時將育物候過葉綠與花紅分明

義畫標微旨一氣貞元無始終

澄觀齋

觀乃人之能澄亦境之所能所兩相忘澄觀實緒語其
忘如未臻佳境允宜處譬彼莊嶽間不期齊變楚

菊

菊節過將彌月菊花開尚數叢漠水塞山自爾丹楓翠
柏原同知己霜清日嫩笑他柳綠桃紅漫擬陶家三徑
戒酒却緬高風

射

射是朝家夙所長承平遊豫那宜忘攜來新附控弦部
駐此

當年避暑莊親御矢弧聊示度數頒幣帛用旌良樹侯

疊中休稱頌

是日發矢二十七中十之九破的者六及易小鵠復連中舊部新蕃暨哈薩克陪臣

侍觀者無不

敬仰

喜躍稱異

前猷敢不覆

含粹齋

四德乾元亨利貞大哉一氣與流行小春即景聊觀象
純粹於焉見性情

宿雲簷

山房倚翠巖簷虛雲每寄氣霽景澄候豐隆早收技偶

來坐清書聊結氤氲意如將霏六花謝賦還能試

暖

今年秋候長入冬氣尚暖朱鳥升東林騰暉巖谷滿羣
稱及嚴寒今年園期較遲俟裝時皆以歸程正屆冬寒
而適日序尚暄和與往歲迴蹕山莊時無異
忘之以轉眼堪因悉人情忖度寧待遠

題金廷標醉菊圖

菊節忽已過傳來醉菊圖重儻緣素景別契是神樞挺

埴商顏數

圖中四
醉老

淋漓彭澤模科頭倚客背箕踞厭僧

跌餅罄憑而寐花香嗅以歛看山半醅者應慙去聲獨醒夫

水月精舍

冬月颯可憐塞水寒未凍巖齋一再登俯暢誠堪弄心
掬不以手鏡光翻在棟冰魚潛罷躍谷鳥吟猶哢聖教
標清華因之緬鸞鳳

再題綠雲樓

初來綠樹蔚層甍爲愛新樓輒命名一月往還看突兀

恰隨天未與同征

春好軒

清暇偶憩文軒標題兩字堪論依然甌香硯淨而無花
馥鳥喧落葉亂填書帙鳴鹿已懶草原

鹿過時則不鳴

莫謂芳

菲節遠貞下行將起元

弦月

弦月上嚴節冰天見塞山隔林猜窄濶輾漢疊團彎寒
迫煙嵐峭光含網水潺湲觀緣底事尋鹿入宵還

題張師夔樹石

古樹稜稜詭石邊
芳華想像閱韶年
玉蓑

畫中題句邊
武字玉蓑

櫟里

即師
夔號

今何在
寫照依然識兩仙

戲題創得齋

初得景得創頻來
輒有詩民馬寄淳樸
吾尚愛新奇風
嶺松落子霜坳鹿
引兒自然塵俗遠
心與許巢期

枕碧樓三首

創得齋旁樓兩間
虛窓納勝枕孱顏
山容蒼矣意聊寄

彈指明秋挹翠鬟

種松待老意嫌遲就樹齋成嘉蔭披欲速縱乖鄒嶧論
靜觀雅契太原詩

谷口延緣不見樓到來俯視白雲頭
樹樹山山總在眸

寧靜齋

閒庭樹葉落歸根一幃明窓日晏溫
景不須翻蜀志
武侯兩字箇中存

鶴鹿

鶴鹿雖異類胥足助山景
鶴則賦之糧惟取聲露警鹿
每挾矢尋岑野寧容騁材
與不材間漆園語堪省

罨畫窓

近嶺遙峯面面呈
崕岬瀟落最多情
今朝所會又殊特

直展寒林閱李成

石渠寶笈有
李成寒林圖

登四面雲山亭子

中峯迴出羣一笠與平分
四面雲山態八音
天籟聞山

齋俯窺得

創得齋在深山邃谷隱不見惟此亭標最高峯俯視如在咫尺

大塊有真文

亦欲無言去其如何懋勤

創得齋得句

溪山深處愜幽探
磴道頻驅小步驂
人面峰開墅忽到
樹頭樓出景全含
掀籠放去沖霄鶴
捲幔招來落嶂嵐
五度經臨詩六首
笑看窺得作陳談

再題枕碧樓

山樓雖小有迎逢
拾級居然枕萬峯
遮莫霜林紅染遍

蔚窓松色尚重

題玉琴軒

細泉階下注冰渠
今日絲桐訝澀踈
漫道寂寥艱著句
小春景槩故逢初

曉

鳥鳴當天雞山含曙色
曉嵐涼雖淦淦空宇猶浩浩
子輿稱旦氣調御乃成道
於焉悟軌塗契會殊不少

對瀑六韻

飛瀑我常對所欣對以冬挂來冰筋簇流處氣機濃從
識根源遠不遷節令逢微聞聲颯沓略戢勢洎淙落礪
鹿猜飲入池魚罷喁洗頭宜玉女應律逮黃鍾

瑩心堂

平湖候冷碧波凝颯灑冬堂又絕勝自是瑩心多好會

那更

平聲

真對玉壺冰

永恬居

冬山淡如睡巖居益致靜所耽在泉石寧辭跋寒冷野

橋度數曲似入神明境
林扉詎藉敞仙界
奚煩請翻嫌
紫翠艷都覺色空屏
歸藏有餘蘊
樞紐於焉省
觸緣慚
性靈不期坐已永

戲題招涼榭

突兀千林山寂寥
坐來謾聽落崖飈
偶然題句還呵凍
榭號招涼懶更招

靜好堂

趁暖寒帷萬象低
霽煙斂盡朗撐犁

蒙古語謂天為騰
額哩漢書訛為撐

犁然音韻頗近
宜於塞外用之

底須在御誇琴瑟自覺當前契筦倪

居高

山樓枕碧嶺小坐念居高望治心徒棘勤民目久蒿言
多後從面疵或索吹毛即景懷慙慙休云此避囂

入深

谷抱山還疊行行漸入深居然叅理窟颯爾對寒林雲
裏辨峯影氷間澀瀑音迫霄精舍構涯涘許誰尋

即事

冬山觸處耐吟凭
呵凍摘詞興偶乘
日落遙峯一片靄
泉流古磴幾條冰
披寒檐枳紛還鳥
綴景招提不著僧
尋鹿入宵歸趁月
銷人何事更張燈

萬樹園賜宴即席得句

小陽春旭暖溫暾
今日筵開萬樹園
屈膝捧觴逮鹽澤
纏頭式禮廁花門

四部郡王霍集斯伯克等
及哈薩克陪臣咸預宴

敢云一己

承

先烈或可千秋示
後昆坐有鑠錫如
舊僕偏稱兩度沐

深恩

策凌烏巴什等以甲戌夏入覲曾宴
費於此今入舊扎薩克之列賜坐

萬樹園觀燈火

巖風傍晚淨魚鱗東望鍾峯挂壁輪塞即京華林即上
燈原嘉夜月原春千枝蠟鳳燃銀樹百道星虹落玉津
義寓光明輝習爽寧云誇示遠徠人

熱河啟蹕駐喀喇河屯行宮作

習武柔遐歲事并

安輿虔奉返神京兩彌月已屆嚴節三十里而遙吉行

喀喇河屯去熱河三十餘里

別館卷阿依舊好寒林平遠入冬清流

澌却慮拏舟冷興寄灤陽與目成

是日未渡河至灤陽別墅故云

入古北口

秋仲經過冬孟還流陰瞥眼往來間敷恩示度無非事
暮詠朝披亦未閒向暖鸞鈴入問左就荒雉堞鎖孱顏
千村納稼饒衣褐幸慰吾民卒歲艱

冬日御園即事

塞外初冬暖異常歸來帶得十分涼

啟蹕時咸云將及嚴寒而今年塞外

殊覺暄暖迴蹕至都翼日乃朔風人情定論曾誰是園
作冷衆更謂帶來之寒故戲及之

景小春耐可償窓日嫩思賒日馭池冰薄懶試冰床庭
葩砌草都逾節洋菊還留別樣芳

冬日北遠山村

歷觀塞外與關中納稼如茨總報豐今日山村喜方信
常言私後合先公

題湛虛書屋

桑苧村中茅草屋閒來就讀亦觀耕半窓受日虛而朗

一水護門湛且清
范緩倪迂法如是
王丞杜老句多情
圃場獲罷心方慰
又對同雲望六靈

文徵明萬壑松濤即用其韻

飛泉直落白雲深
松下班荆籟謾林
細摧枕流將漱石
古人端復有知音

駐扎葉爾奇木大臣呈覽所鑄乾隆通寶至因用
排次回部錢文詩韻紀事

昨歲元戎奏定功
早籌鼓鑄市廛通
即看大冶範鎔就

仍屬司農職掌同

將軍兆惠歸為戶部尚書

寶是乾隆來自外泉殊

景德去由中

排次回部古錢時有開元景德諸錢彼時未能臣服其地自屬中國攜往者

用

權子母底其貢載戢干戈省厥躬

題集鳳軒

養

志冬常駐園問

安暇此題軒豈必雖嗜真集所喜姜夔猶存掄材羣引

廣廈較射無御西門

問於大西門較射尤便安日視事此軒

寶額永輝

聖日含飴敢忘

深恩

皆春閣

小閣構山村皆春義可論一編讀周易四德首乾元寧
謂花無謝應知道有根熙熙雖未逮景仰志猶存

題涉趣樓

偶額書樓曰涉趣山容水態滿名園淵明語祇能從半

志在重華闢四門

澹閒室

帶林趣以閒鏡水志愈澹澹閒二而一吾猶致精勘周
公訓其無於閒惟可暫武侯訓其明於澹斯不厭題室
擬銘盤造詣聊因驗

文徵明雪景

見覲應知消未得吹風却訝積猶高漫言幻景饒真賞
對幻思真望每勞

花窖早梅恰與盆中晚菊並榮漫與寫生無題以
句

早梅晚菊彙芳聯貞曜高風契自然栗里孤山縮大地
淵明和靖友忘年盆中對立格堪敵燈下相窺影互憐
生面別開緣古調寧同花鳥詠黃筌

冬至齋居即事

一二日萬幾此心寧敢放致齋斯益敬勅命協弛張靖
遠已戢戈耕牧徐籌量九州率逢年

天恩實浩蕩叶高寶則被潦拯恤勤輔相教養匪二事
養要信非誑於養尚補直言教乃鄰妄何時此生民胥
躋三代上

題趙昌茶梅百雀圖

花鳥曾傳廣漢昌如聞鳥語玩花芳宣和當日評高格
可讓馬蹄歸去香

詣齋宮作

宮中齋兩日

壇側宿前期安靜微陽養祇虔一念知惟應厘民瘼即以迓

天禧依舊明窓影年光有所思

冬至

南郊述事

惟

乾資始運無窮來復灰飛緹室筩應節迎陽修
大祀升香晉璧凜微躬紀年廿五欽

天數省歲雨暘協穡功幸與吾民同沐

澤越因沐

澤惕淵衷

壽五弟和親王五十壽辰

星臺太史報書雲邸第佳辰瑞靄氛體似吹葭氣方熾
箕同刺繡線添紋年齊遽使對尼父詩例髯仙壽卯君
揆藻謾稱鵲鵲頌惟懷敬業昔同羣

微雪

臘月十六日

微雪纔逾寸冬來望久翹松簷剛畧齒梅塢未封膏雖

兆三白瑞慙稱六幕調回中偏報喜

新柱海明奏至葉爾奇木哈什哈爾

並於十一月初得雪尺餘新闢耕屯足占豐兆

惜近慰於遙

復雪

臘月廿日

同雲過午落瓊花歷夕侵宵勢更加澤繼三朝敷渥足

春先十日兆和嘉

是月廿九日立春

裝梅宮植舒梅萼利麥盆

籤潤麥芽殿瑞啓祥真大吉慰餘益慎敢矜誇

雪中西苑即景

徹夜繽紛曉勢并問

安迴與步瑤京低飄曲岸時踈密細糝長空鎮繆紫羅
樹寒藏棲鳥語挂崖凍隱落泉聲冰蹊試屨堪遲意即
景無端拙速成

顧昉雪景

迴失青峯平凍灘飛泉猶落白雲端展看却怯嚴風撲
危坐伊人果耐寒

辛巳春帖子

吉語斐屏勝仙芬噴盎梅

慈寧開七袞壽域是春臺

青帝方騰駕蒼靈已奉塗西瀛將北竈王會普歸圖

已與已年傳首祚不須午夜盼佳音亟籌耕牧闕休養
萬里遙添保赤心

除夕

餞臘幾聲漏迎年百事祥疆遙定默克歲果叶金穰可
闕全編殿將逾廿首強貞觀祇三什咀嚼味偏長

御製詩三集卷八



御製詩三集卷八

總校官庶吉士臣侍朝

校對官檢討臣盧應

膳錄監生臣姜澍

欽定四庫全書薈要

集部

御製詩三集卷九

十

詳校官原任編修臣徐立綱



欽定四庫全書
養要卷一萬三千四百三十八
集部

御製詩三集卷九

古今體七十四首
辛巳一

辛巳元旦

春祺一氣遍裨瀛
喜值重光萬物亨
回部分班謹依朔
大宛恰至許朝正

萱闈七袞敷天慶
藥榜三場特地行
耆定寧當生滿志
久要遑敢惜勞精

元旦試筆

元正辛日叶辛年萬象維新嘉祉綿蒞政久思逾久敬

任官難識所難賢敢稱合璧聯珠慶虞啟遊麟儀鳳駢

欽天監以元日午時有日月合璧五星聯珠吉占奏請
宣付史館朕惟崇尚實政以為方今武定功成人民樂
業時雪兆豐斯皆可徵上瑞若象緯機祥素非所習有
無本不足較且恐啟地方大吏侈陳符應之漸因降旨
却之至云今歲適當慈寧七旬大慶可
祝萬億延釐則惟默識而敬感
天貺耳

曰卜

慈釐則深幸

崇禧默叩致心虔

綵屏仙木瑞扶檐喜兆民同兆歲添鄒衍風吹入春淑
趙衰日改退冬嚴泰階氣應蒼龍律漢史雲呈白鶴占
人事

天時覃已盛德言虔羣勵居謙

新正瀛臺即景

鳳閣咨安

弗祿躬西華路便趨臺通落成錫宴衣冠侶待備閒遨
松竹叢樓現祇疑瀛海表人行都在玉花中

是日微雪陽和

即漸舒條望春祉還思與物同

寶月樓題句

東北風吹律應條密雲微雪灑崇朝冰床碾玉雙輪朗
月閣梯霞百級超勝啓瑤筐逮人日燈懸松棟迓元宵
御園煙火常年例分付高樓自慶霄

紫光閣寫功臣像及諸戰圖畢集讌落成爰賦六

韻仍疊四章

有序

勲標偃伯煙銷濛汜之氛蹟炳圖形雲擁趨陂之

勝時則掄偉績而系贊先教褒鄂傳神逮一善亦
臚名乃屬鄒枚紀實匪詡天經地緯恰符五數之
重真逾漢史唐書能觀百賢之萃且聚米狀山川
阨塞壁間八陣常存而列星占旌纛飛揚磧裏參
旂盡掃試按昇平王會詎惟萬里而遙為思宵旰
軍書何幸五年式集昨者歸而飲至行觴趁上巳
良辰茲焉落以慶成展席繼先庚嘉宴凡在股肱
心膂藉國家翊運多才應知竹帛旂常承

天

祖垂庥永靖維億載綏遐有象已被丹青予一人持滿
彌殷長鑄金石

閣就勝朝址

見日下
舊聞

圖標昭代勲格慚虞帝羽數過漢

時雲

閣中圖功臣像勲績顯著者五十人朕親製題贊
餘命儒臣擬為者又五十人視雲臺二十八將不

啻倍

徒

大造無私佑諸臣實盡勤五年勞突將此日幸休軍有

覺上林表斯干液水漬落成緣戢武錫宴重

去聲

摛文

建置惟旌績運籌匪詡勲永期紀勞勩寧為去聲賞煙雲

保大

天垂貺開遐予敢勤帑原出內庫督未命將軍掄武駐

冬日

每科武殿試例於閣下校閱騎射及諸技勇

慶成臨沼漬詰戎求

世德

寶訓揭鴻文

恭讀

太宗

聖祖

世宗實錄

中飭武備懲晏安為萬世大法者敬勒石

閣中以昭

彛訓

伊犁征不戰五月已成勲將謂業安石誰知事幻雲驅

馳常厓遠擘畫不辭勤最恨庫車轍深虞黑水軍

事均見歷

年詩
章 轉旋叨

吳綈仍執竟淮漬始末親籌筆其觀勒壁文

經畫西師前後所製

詩文於成功端委運籌次第
綜彙刻石壁間示誌實也

衛拉勞

前列

厄魯特舊謂
之四衛拉特

重華與

放勳敢云成不日惟凜望

如雲載先去聲傳柑宴允嘉荷戟勤歸春舞干旅洗雨伏

波軍風嫩中和樂冰酥太液漬賡歌鴛鴦侶可以共論

文

紫光閣落成錫宴即席得句

落成勲閣液池濱廣宴都陪宣力人

宴間以功臣圖畫為次其西陲建績

者並令預坐

幸際時休頌照燭宜聯句亦引垂紳嬉文恬武

由來戒保泰持盈一再申旭日春雲欣協象

是日曉陰微雪宴時

畧晴既而復陰祥花滋麥蕪霑頻

紫光閣落成錫宴聯句

有序

雲連高閣凌煙采壯三霄景麗仙瀛環海波澄萬
里旣戢戈而橐矢有僕同徵如松茂以竹苞斯干
式詠英姿颯爽共看畫就麒麟瑞色繽紛正喜晴
餘鳩鵲時則歲功肇慶金穰初啓重光春序開韶
木德全符已盛蓂舒二葉移例宴於乾清茵集千
花繼凱筵於豐澤檻外輕陰微護凝瓊島以氤氲
檐間暖旭旋呈繞金黿而蜿蜒壁縑按地覽新繪

之分圖廡石編年撫舊題之遍勒廣殿九歌時叙
績紀武成明廷一德咸賡盛聯文會開疆鑿空底
誇漢將無雙佐策發蹤應位鄮侯第一風雲翊運
昇平快覲百賢蕭露申情喜起遠隆千載北漠衣
冠並集適屆朝正西濛裘帕紛來真稱受吏酬庸
展席都陪英衛勲臣給札分曹并列馬枚詞客聯
鼎恰掄廿四依花信之番番揚風豈讓三千抽藻
思之乙乙奉琛獻賁羣欽典屬威儀合璧聯珠詎

詔靈臺占候持盈保泰予一人虔奉

鴻庥抒翰摛華爾諸臣謾鋪景鑠

御製例舉雲臺繪紫光忠勤集事表臣良落成開宴迓新
祉

列坐酬庸逮遠疆舊臘田家登上瑞元辰太史奏

奇祥羣依

黼座瞻

堯舜

臣傳

仰識

神功邁漢唐每奉

廟謨欽蕩蕩近承

天語聽琅琅追隨劍履慙調燮

臣來保

領袖衣冠忝贊襄

詎以遭逢矜早達所欣運會協時康

三朝全盛咸親覲

臣史貽直

奕世

殊恩尚未償乘鄣昔曾邀

帝鑒備藩今復叩

仙閣朝正快觀車書集

臣成家札布

御製系贊長留姓氏香獻歲迎禧纔翼日稱觴納慶答初

陽休嘉砰隱聆韶樂

曼衍聯翩耀彩裘此際

宸歡昭豫順五年

聖算荷精詳終資虎旅能騰躍

臣兆惠

猶記狐羣妄跳踉

為效三驅擒狡兔敢言一矢走天狼乾坤廣大起

前牒

臣富德

日月光華紀太常肺腑蒙

恩深雨露股肱宣力厲風霜遠人向化環干羽

臣色布騰巴爾

珠爾壯士還家脫衲襠舊隸職方皆屬國新徠疎勒

是名王翬飛秩秩尊

三殿

臣扎拉
豐阿

御製
號闕桓桓表四廂衛霍較功心彼慙鄂褒傳照氣斯
揚獨掄同志蕭居首

遍寫英姿閭擅場貌得弓刀增颯爽擁將旌旆儼

飄颻格登掃孽雷轟陣

臣阿
里袞

拔達搜逋電掣芒收

盡龍沙歸五服擒成

鳳藻彙千章市通普爾泉流廣

臣梁詩正

珍獻和闐玉佩鏘

汗馬籥浮俱大赤羽林擢萃盡中黃星弧遙警雕

題國

臣秦蕙田

月蝓全平爰劍羌蒲海瞻雲呈碧琯瑤

圖益地啓珠囊渠胥置驛隻雙堠

臣永貴

御製都尉宜禾千萬箱征戰昔原師武力詠歌今屬翰文

長重華聯句欣堪繼

豐澤來遊樂未央燕帖楣編銀鑿落蛺膏燈綴玉

琤璫插桃分竹詞先就

臣裘日脩

撒荔傳柑席待張醲

浹前宵藍尾酒甘餘隔昔膠牙饴庶珉授簡叨榮

遇

臣于敏中

殿城連茵慰企望照眼琉璃迎旭耀舉頭

翡翠切雲翔雪隨繡繖花紫砌

臣介福

煙裊金爐篆

拂牆瓊島晴容浮菡萏趨臺霞彩疊鴛鴦九華舄

奕凝松棟

臣觀保

御製三素輪囷繞杏梁經始匪同麟閣建飾陳祇就液池

旁膾川潛臞雲飛饌

斟玉腴斟金濯漿橐疎都盧爭撇捩隊撐角觝互

低昂雕珂盤馬驤騏驎

臣王際華

錦字銜書舞鳳凰

侏兒離諧律呂摩訶勒勒叶絲簧捧觥效祝烏羅

護

臣錢汝誠

鞠脰輸忱沒謹忙鞦韆婆娑陳右部蒲萄

磊砢進西涼辛盤乍簇春初吉

臣錢維城

甲觀宏開日

用剛遞擘芸牋陪給扎跽擎文綺喜承筐唐花爛

漫枝交亞

臣蔣炳

御製

虞舞繽紛袖頡頏粘壁陣圖紀勞勩堆盤貢果浥芬

芳止戈永誌

皇乾佑

載筆難名

聖德滂笑說平戎誇頡利陋聞奉使艷陳湯八紘旋拱

星從斗

臣莊有恭

六幕提攜網在綱畫室具儀裳濟濟

歌鐘徹響簾趙趙黃神鼓奏喧饒吹

臣胡寶瑑

白阜屏

排燦縹緗雁磧從今休鐵騎龍庭幾度晉銀虜萬

年仁壽重申

命

臣周琬

一曲昇平載篤慶保大定功威震疊蠲租賜復

惠汪洋鑾坡入覲逢晨賀

臣吳達善

御製象譯馳函幸歲穰稟朔大宛叅鷺序值班回部接駕

行西瀛北界一家合求治圖安敬不遑

尊藏得勝

靈燾於紫光閣詩以紀事

有序

亭郭靖金牙威宣載旆燧烽消洱海德表結旌爰

開高閣以圖形並弄

靈旂為守噐原夫一麾臨閭外彌文不侈

禡機七宿炳

壇中壯志初傳鏡鼓方過祁連而壓陣千山風鶴騰聲
更驅疏屬以揮軍百部沙蟲掃跡昔也緬李程刀
斗遜是森羅今焉輝袞鄂弓刀逾其英特彼龍堆
邈矣詎惟銅柱齊標而虎紐纍然合與金符同譜
從此電霜生色匪徒充武庫之儲還將日月承華
庶永隸奉常之掌

麟閣圖形例紫光大師

靈壽並尊藏招搖伊古資

神佑功績從今紀太常信是元戎篤忠悃肯忘羣力效
疆場持盈知足懷

乾貺敢復佳兵恃盛彊

武成殿作

紫光閣後殿因額武成名千載丹青貌五年宵旰情被
天恩獨厚資衆力斯誠那更生餘望迴思幸以驚

弄藏西師俘獲軍器於紫光閣詩以誌事

有序

幕庭收絕域運翊風雲臺閣應中台圖兼將相軍
儲森列旂常已炳尚方陣獲便蕃仗械胥登武庫
甲函青瑱得自前驅脫胄之時鎗委綠沈出諸後
隊伏菽之會貫矢詎來肅慎應知貳負先僵佩刀
疑壓赫連早識溫禺久釁掃蚩尤之長彗還帶楚
纓車轡尸逐之鋒車曾資鉛彈凡此勲銘百戰無須
漂杵矜奇方當蹟著九功用藉包戈紀實云爾

高閣巍巍表盡忠奔歲俘獲類從同戢干橐矢肆時夏

奪鎧塞旗藉衆功信可傳神留百世寧稱屈指數三雄

器書名例太常紀

甲冑旗幟之類孰所獲者各書名其上以誌永久

一善吾惟

憶莫窮

回玉圭謠

崑崙西極玉所都穆滿靈器傳西胡楚曰珵珩魯璫璵
其偶然耳古論諸乃今通道慈嶺途歲為恒供寧十區
是圭實彼之寶符驛來什襲呈天衢阿渾

通回經字者

譯出

其文攄駢蕃古語歌九如福祚昌熾享齡遐

叶

豫順兆

姓聳皇圖宜子孫佩意不殊韞櫝爰識咸賓模保奭用
訓猶忸吾

承光殿得句

高閣綺筵慶落成
蓼蕭燕譽會公卿
瑟絲琯竹欣儀具
玉螭金黿取暇行
廣殿春明最古蹟
團城太液即仙瀛
撫茲粥粥懷殷監
敢曰今方際治平

夜雪

正月初二日

微雪落清晨和陽闥綺宴入暮復濃陰
英英先集霰夢

回已丙夜欣報飛霰片展轉少停眠聞鋪玉砌遍侵尋
二寸餘團攢勢方絢重衾審何礙隔窓似親見繼澤洵
農祥戒滿凜

天眷

題王炳雪崖高士

峭壁層嵐玉作皴俯臨千丈聳嶙峋漁人尚集寒潭網
高士方收野艇綸獨上崇崖聊縱目何妨薄冷足怡神
孤舟蓑笠由來慣生面羊裘此富春

降旨再加賑湖南被旱諸州縣詩以誌事

頻年寬大詔甘省首所被去年幸豐收况預免今歲恩
澤無可加初春宜施惠楚南昨偏灾加賑以次第牧吏
報民安厯念仍弗置已加寧再加永奉大光義

英華殿菩提樹歌

我聞法華調御丈夫成道處乃於伽耶城中菩提樹又
聞華嚴海會諸如來一佛一樹乃至恒沙數一亦非合
恒沙數非離是佛是樹皆菩提娑羅貝多闍扶誰則見

惟有菩提之樹鬱葱蔚郁常依佛日生光輝英華之殿
聳層甍勝國莫考國初曾以居

慈寧

思齋太任篤奉佛爰供法像延禧篤祐貽雲仍時來瞻
禮意肅穆袞嚴寶軸相好合梵經或云即是北斗之七
星貝帙一名可徵菩提七樹森列庭是誠不可思議
標祥禎枝枝葉葉數無萬如斯無萬數繩繩繼繼永世
綿皇清

漢玉千秋亭侯印

鄠南五成陌除設紀蕭王受命祥由肇封侯姓莫詳

按後

漢書光武命有司設壇場於鄠南千秋亭五成陌即皇帝位至亭侯姓名志傳並無其人

摩挲欣穆

穆抑埴謝章章翰席資稽古千秋永葆光

趙伯駒六馬圖歌

平川苜蓿豐且滋清泉映帶沙岡披戎人習馬知馬性
此處調馬實所宜牽者轂者二皆駢白駒黑鬣縹柳枝
昂藏翹足驪其色一戎跨背鞍不施紫騮回首嘶厥匹

有駟齟草意自怡驥不稱力稱其德況復一一皆英奇
作者寓意應有在夏官遺法誰深知即今大宛致汗血
骨格皆合圖中姿亦不渥洼詡作瑞亦不交河資興師
迴立閭闔誅蕩蕩欲起王孫走筆為

新正重華宮恭侍

皇太后宴

太昊昌昌啓節東承

歡綺宴合青宮

七旬開袞慶方始四海為家養備隆馥馥芳蕤噴溫卉
磴磴新社繪春工侑盤時果來西域宋史唐書可或同
題吳鎮松竹梅蘭四友圖

歲寒三益一增前生面將云開別傳誰識道人為墨戲

我心先已獲同然

向與三友增入幽蘭並寫圖成什茲
得吳鎮卷乃知己有此作因並誌之

降旨加賑高寶被災諸州縣詩以誌事

高寶去歲潦優恤籌民安鄰郡頗有收穀價未致艱方
春宜佈惠南望此所先賑期盡青黃毋寧再加寬意苟

存惜帑吾民何賴焉有孚勿問吉好生勵體乾

題董邦達山水

山自不言水漠如無端何事起吟予為他山水幽佳處
往往尋題趣有餘

峯似北高嶽且釜便知古寺號雲林冷泉那畔松陰下

一例寒濤空

去聲我心

書屋蕭蕭倚綠筠風聲月影靜無塵溪橋不許支筇過
看竹妨他問主人

題宋玉鏤戲嬰圖

珉石瓊葩景物芳春遲暢好鬪雞場佳禽按隊聽

平聲使

令見說神童喚賈昌

陳鴻祖東城老父傳賈昌於元和時年九十餘開元初被召方七歲

華冠繡襦指揮羣雞如神故天下號神雞童

精鏤曾成脩內司花間綵服共

遨嬉戒標漢詔寧須貴懷取魯論亦所思

淑清院

積素在喬松融落如細雨得逕詰曲叢攬景神仙所飛
泉不計寒帶冰賤石嶼春物雖未昌春意實已鼓散步

淑清間日月緬上古

豐澤園得句

曲宴諸藩候已牌晨閒問景液池涯最欣素積喬松頂
已有青迴嫩草荄菜町竹籬堪學圃窓明几淨擬蕭齋
迎眸潤意開韶月豐澤今年兆實佳

紫光閣曲宴外藩紀事

祝聲三作翕如隨琴上春溫動縠絲中外一家宜愷樂
耕桑九服正熙怡紫光佳話從今紀豐澤恩筵合此移

每歲宴朝正外藩例於豐澤園設大帳
次茲以紫光閣落成遂移筵宴於此

戢武母忘詰戎

戒皇清奕葉奉

天禧

承光殿

地臨北渚崇臺據名取西京勝國貽玉棟亨衢接閭闔
瓊華翠色映罽毼金源景概指琪樹明代波瀾在液池
鑒夏撫茲常致凜覲文繁我更勤思

題漪瀾堂

山北讀書堂液池俯檻旁因風常得態無月定何妨早
識人情似惟慙筆陣方子輿觀有術切已勉成章

鏡清齋

階倚琳塘若住空含虛鏡影入窓中無於水監於民監
義喻載舟原可通

韻琴齋

曲廊側畔千竿竹聽去琤琮望轉深何必定於俯流水
方將謂是韻文琴不關指上宮商調常愜心源微妙音

隔牖猗猗如有語勝他桐向爨餘尋

卷畫軒

畫水謂之水畫石謂之石惟其有定名未能免浮跡茲
軒號罨畫初無成見擇波態復嵐光風清與月白偶來
一俯仰觸目皆莫逆點筆詠真圖身在圖中適

王蒙閬苑仙山圖

瓊宇松巖鬱且雄巨然嫡派說王蒙何當絕頂遊遙目
縈帶真堪俯八鴻

文壁當時友叔明為知音寫自多情

見蒙自識語文壁當是馬琬

襟

期雖是寄方外國禁原遵字左行

是卷題句字左行蓋從元蒙古文制也

天然樹根如意

沙堙石抱已多年倒植亭亭一朵蓮生意如無如孰意
指揮真具大乘禪

人日

開子稱來復生寅節可沿賦詩雖晉俗觀象緬犧年煎
餅厨盤供鏤華筵勝懸晴明占固美一德豈其然

東方朔占

書曰七日為人日
清明主君臣和

程嘉燧芭蕉書屋圖

結屋苦黃草倚楹眄綠天有時堪聽雨之霰亦籠煙畫
軸無妨卷書針雅稱懸旁求繫我責懷此樂飢賢

祈穀齋居即事

祈穀此致齋偏欣值穀日晴和叶嘉占遷坐孚顓謚

殿名

大齋乃居之

駕瓦積雪鋪雞樹韶光櫛寶勝扶綺疏不問知

元吉新正簡幾務省躬益精密聖狂一念間應違千里

疾重熙固此時保泰如虞失

吳貺信有徵心存祇無逸

題韓幹猿馬圖

馬放霜蹄馳峻坂猿伸月臂掛喬枝
既云意寓叅同契凌厲超騰又底為

偶讀

偶讀蒙莊第二篇知通適得固精義
其不達者勞神明因取狙公以為譬
此語其然豈其然吾謂漆園未深思

格物可以驗諸人固有同歸而一致常平舛之耿壽昌
出陳易新永不匱秋借春償即朝三春借秋償即朝四
衆狙喜怒謂為愚何不人情一揣試

古玉小屏歌

土華隱韞幽光耿貌似道人徹骨冷劫火三日燒猶猛
是玉蓋已
經火者 一片不熱餘貞靜度之以掌方而整軒轅鏡

象如來影鄙哉漢璽出古井綈几芸窓伴毛穎佩文比
德思惟永

題張先十詠卷

東都纔少一西洛便虛三橋梓高年並

吳興太守馬尋會六老於南園

人各有詠而胡璩為之序時衛尉丞張維年九十一後其子先取維所自愛十詠詩繪傳是卷時年亦八十二

矣丹青子舍叅故知成獨步詎止助佳談丁甲何煩守

六星瑞曜舍

夜雪

正月初九日

過午佈雲同入宵雪舞空喜真出望外感亦切由衷無
月鋪階白有花卷燭紅明當詣

壇所先沐

帝恩隆

詣齋宮作

祥花瑞葉尚駢羅
羣玉光中鳳輦過
祈穀詣

壇今歲幸優占三白
兆數和

青龍左轉入甌城

寶殿祈年聳綵甍
瞻

位視籩惟式禮知

恩勵已益屏營

祈穀禮成述事

辛歲祠

辛駢社崇大表將事惕彌躬

照臨有赫哀時對呼吸惟誠信可

通政謹星辰拱北極農祈稼穡逮西濛松壇積玉欣占

麥敢曰

綏豐實籲豐

張渥雪夜訪戴圖

雪夜覺來乘興行
剡溪沿溯一舟輕
傳神怡是斯時好
較勝門前著語情

延暉閣春望

禁林崇閣枕紅牆
暇日登臨喜載陽
北戶景山秀堪揖
南墀古柏儼成行
宮庭基業期恒固
帝里樞機協大當
累洽百年誠富庶
持盈惟是敬為防

絳雪軒

名軒因對花取義緣體物酣春雖尚遙符甲機已鬱即
看六翼積何異嫌山蔚金麥玉壺供銀燕綵屏拂休徵
協雨暘宴息宥密勿

題摘藻堂

浮碧亭陰瀟灑居春風綈几正怡如映窓黛鬱千年樹
插架芸芳四庫書鑒在勝朝基命密遊惟義府勅幾餘
展編寧貴資摘藻二典三謨永企予

題金廷標嗜酸圖

鏗嚼青梅下嚙難流涎唇哆復眉攢區區那管旁人笑
白苧儒生本嗜酸

續事傳神阿堵難評量滋味綠陰攢三翁不著伊誰氏

都帶梅家一點酸

蘇東坡詩往往亦帶梅翁酸注謂梅聖俞

底較藥梅不易難所耽轉覺百憂攢畫師善寫曹公術
刺齒生津解渴酸

新正恭奉

皇太后幸圓明園

西山積雪出城迎節物欣堪

豫懿情

七袞初開綿祚永上元多樂奉時行
盆梅白玉條攄遍
陌柳黃金色染輕宜博

慈娛駢慶典微嫌羣致頌豐亨

楊无咎水仙

標格檀心冰骨弄影白石碧瀾不名一家則爾依然伯
仲之間

獨食盆

實宋脩內司窰器也俗或謂之太真獨食盆戲題
官窰莫辨宋還唐火氣都無有葆光便是訛傳獨食器
楚枰却識蔡恩償

龍腦香薰蜀錦裾華清無事飼康居亂菴解釋三郎急
誰識黃虬正不如

新正御園即景

日麗風條景物和紐芽生意發卷阿御園喜氣迎人處

萬樹瓊英綴尚多

松軒筠牖有那居勤政親賢勵歲初

理事處
考御書額也

皇略

得予心間適者華鐙下免治軍書

愛延嫩日一窓明又是隔年摘藻情高閣蓮花漏聲報
遷無遷裏鎮丁丁

九州去歲多逢熟三白今春又兆佳外靖內安誠慶慰
戒盈刻刻警於懷

黃公望晴巒疊翠

谷曲復山崇，松蒼楓亦紅。
考槃人得所，大嶺法猶同。
書屋看疑隱，寺樓住若空。
支筇獨往者，應去訪韓終。

新春舍經堂

人世有仙蓬，御園東復東。
望春真合此，會景每無窮。
坡雪迎窓白，盆梅映座紅。
畫詩常在壁，

向繪此梅並紀以詩勒壁間

底

辨異和同

繪雨精舍作

精舍尋常以雨稱，今朝生面又堪憑。
增池潤埒皆同調，

綴樹糊篁此絕勝青帝化機原後素天公繪事實多能
畫禪如展王摩詰

畫禪室所貯名畫
大觀有王維雪景

首肯吾言信有徵

澤蘭堂六韻

澤畔有幽居蘭芳襲素裾滋寧湏九畹趣合在三餘楚
客佩懷彼風人觴警予聞香還耐久竟體且紆徐味道
遲朱鳥含經避白魚摘毫常得句惟是慙

去聲

虛車

題宋人田畯醉歸圖二絕

田畯歸來自甫田醉騎牛背著僮牽和之七月休重展

馬和之有幽風
圖藏石渠寶笈

三代淳風見宛然

旨否寧須嘗後知相親古道蓋如斯
鮮其意但師其迹
田畯嗟資口食為

掃雪

一雪萬物怡園林足佳致
皴皴屏畫開鋪冰鏡光膩晴
將就消融惜此精英氣
培樹待徐化春雨夫何異
掃收
集興僮督課命園吏山擬銀
重裝林似玉倒綴匪緣延
賓除亦豈烹茶試根荻積潤澤
發生益純粹集事藉

於衆行賞論以次惠而實不費費亦非傷惠

御製詩三集卷九